



Pou Piblikasyon Imedya: 9/11/2022

GOUVÈNÈ KATHY HOCHUL

GOUVÈNÈ HOCHUL ANONSE PRÈSKE 5 MILYON DOLA YO AKÒDE POU SIPÒTE AMELYORASYON ABRI POU ANIMAL

Katriyèm Faz Fon Kapital pou Bèt Konpayi kontinye sipòte konstriksyon, renovasyon ak agrandisman abri pou bêt yo

Benefisyè sibvansyon 2022 yo pral bay bêt ki pwoteje yo espas pou yo viv ak swen medikal amelyore

Pwogram lan resevwa gwo ogmantasyon pou senkyèm faz la atravè Bidjè yo Adopte pou Ane Fiskal 2023 a

Gouvènè Kathy Hochul te anonse jodi a ke yo te bay prèske 5 milyon dola bay 17 refij pou bêt ak sosyete imanité san bi likratif atravè katriyèm faz Fon Kapital pou Bèt Konpayi Eta New York (New York State Companion Animal Capital Fund) la. Finansman an pral sipòte pwojè konstriksyon, renovasyon ak ekspansyon ki pral bay swen pou bêt. Kòm premye Eta nan nasyon an ki finanse pwojè kapital pou abri pou bêt yo, Eta New York kontinye demontre angajman li pou garanti lojman an sekirite ak swen pou chen ak chat ki pwoteje pandan y ap tann adopsyon, ki gen ladann atravè yon afektasyon ogmante pou senkyèm faz pwogram lan nan Bidjè yo Adopte pou Ane Fiskal 2023 a.

"Fon Kapital pou Bèt Konpayi New York la fè yon diferans reyèl pou refij ak sosyete imanité yo atravè eta a, li ede yo fè amelyorasyon enpòtan ki finalman vle di pi bon swen pou chen ak chat nou yo pandan y ap tann kay definitif yo", **Gouvènè Hochul te deklare.** "Mwen te fyè pou m mete finansman pou pwogram sa a nan Bidjè Egzekitif mwen ane sa a - premye fwa nan listwa - epi administrasyon mwen an ap kontinye sipòte gwo òganizasyon ki travay pou kenbe chen ak chat ki pwoteje yo an sekirite."

Depi lansman pwogram Fon Kapital pou Bèt Konpayi a an 2017, ki te administre pa Depatman Agrikilti ak Mache (Department of Agriculture and Markets, AGM), eta a te dedye 20 milyon dola nan 57 pwojè. Ane sa a, Gouvènè Hochul te enkli Fon Kapital pou Bèt Konpayi a nan Bidjè Egzekitif li pwopoze a, yon premye pou pwogram nan ak yon demonstrasyon angajman kontinyèl pou bêt konpayi New York yo. Nan Bidjè Eta New York yo adopte pou ane fiskal 2023 a, pwogram nan te resevwa yon 8 milyon dola istorik pou pwochen etap li a.

Katriyèm faz finansman yo akòde a baze sou inisyativ anvan yo pou konpanse depans ki asosye ak pwojè kapital abri bét Eta New York yo. Pwojè ki finanse ane sa a gen ladan novo espas pou chat adisyonèl, novo enstalasyon medikal, ak renovasyon abri pou mete ti abri adisyonèl.

Depatman Agrikilti ak Mache Eta New York chwazi benefisyè sibvansyon yo dapre yon evalyasyon bezwen, yon deskripsyon detaye sou pwojè a, ak pri rezonab. Plis ankò rekonèt enpòtans pwogram sa a, pou premye fwa ane sa a, eta a te elaji elijiblite tou pou l'enkli abri ki te deja akòde fon sa a epi ki te konplete pwojè yo, ansanm ak abri ki pa gen kontra minisipal k ap sèvi nan rejon ki pa gen sèvis yo.

Abri sa yo te resevwa yon prim nan seri pwogram sa a:

Rejon Kapital

- *Fondasyon Pwoteksyon Animal nan Schenectady (Animal Protective Foundation of Schenectady)*: 492,563 dola pou founiti medikal, karelaj, novo zòn izolman, ak ogmantasyon kapasite pou lojman pou chen.
- *Sosyete Imanitè Mohawk & Hudson (Mohawk & Hudson Humane Society)*: 500,000 dola pou yon novo lokal veterinè ki pèmèt pou separe chen malad ak chen ki an sante.
- *Super Heroes in Ripped Jeans*: 440,347 dola pou renovasyon yon biling ki fèk achte pou ogmante kapasite lojman pou kanin ak felin ansanm ak yon kondo chat ak zòn izolman.
- *Susquehanna SPCA*: 143,289 pou achte ekipman veterinè ki gen ladan yon machin radyografi estasyonè, yon machin radyografi dantè, ekipman terapi lazè, ak zouti koterizasyon chirijikal pou bay swen medikal amelyore pou bét yo.

Hudson Valley

- *Sosyete Imanitè nan Westchester (Humane Society of Westchester)*: 125,000 dola pou refè sifas anklo deyò pou chen, yon miray soutènman pou pak chen, ak novo kaj ak planche pou zòn chat la.
- *Paws Crossed Animal Rescue, Inc.*: 200,000 dola pou yon novo zòn adopsyon, sal pou chat, ak sal reyinyon ak akèy. Yo prevwa ajoute yon zòn klinik veterinè, sal kominotè, ak biwo anplwaye yo tou.
- *SPCA Konte Sullivan (Sullivan County SPCA)*: 100,000 dola pou yon sistèm HVAC, novo pòtay pou ti abri, pòt, ak kloti ki pral sipòte sante, sekirite, ak konfò bét.
- *SPCA Konte Ulster (Ulster County SPCA)*: 250,510 dola pou yon renovasyon total nan zòn ti abri pou chen pa yo ansanm ak novo penti ak novo planche.

Long Island

- *Fon Sekou Animal nan Hamptons (Animal Rescue Fund of the Hamptons)*: 200,000 dola pou yon nouvo sistèm lavaj a presyon, plonbri, ak sistèm HVAC pou sipòte sante, sekirite, ak konfò bêt yo.
- *Bidawee, Inc*: 200,000 dola pou yon nouvo sistèm HVAC dènye modèl.
- *Vil Brookhaven*: 146,500 dola pou yon renovasyon abri ki gen ladann ti abri adisyonèl, yon zòn dedye pou preparasyon manje, ak yon zòn reyinyon ak akèy.
- *Vil Hempstead*: 52,000 dola pou mizajou ak amelyorasyon abri ki gen ladan pi bon drenaj ak ekleraj.

Northern New York

- *SPCA Konte Jefferson*: 189,767 dola pou ekspansyon sèvis nan yon nouvo paviyon veterinè pou bêt malad oswa blese. Sa a pral pèmèt espas pou pwosedi dantè, operasyon, swen pre-operasyon, swen apre operasyon, ak yon zòn tretman pou bêt kay ki blese.

Lwès New York

- *Sosyete Imanitè Konte Chautauqua (Chautauqua County Humane Society)*: 159,677 dola pou plis sekirite, ranplasman fenèt yo, yon sistèm HVAC, ak ekspansyon jeneratris.
- *Sosyete Imanitè Hornell Area (Hornell Area Humane Society)*: 346,875 dola pou yon ekspansyon chatri, ak ekspansyon espas pou konpòtman kanin ak sesyon fòmasyon. Yo pral renove lòt zòn, tankou yon nouvo zòn preparasyon manje ak yon zòn apa pou founiti netwayaj.
- *Fyète Bèt nan New York (Pet Pride of New York)*: 200,000 dola pou renovasyon ak ogmantasyon yon nouvo paviyon nan abri a ki pral gen ladan I zòn admisyon, izolman, zòn veterinè ansanm ak yon chanm sèvis piblik, twalèt anplwaye yo, ak yon sal pou anplwaye yo.
- *Ten Lives Club*: 200,000 pou agrandisman abri ak amelyorasyon pou chat pa yo. Kat nouvo espas vivab pral bay espas pou lòt chat, epi ogmantasyon yon sistèm HVAC pral bay lè pwòp.

Komisè Agrikilti Eta New York (New York State Agriculture) la, Richard A. Ball, te deklare, "Atravè vizit nan renovasyon refij ki te fini finanse pa pwogram sa a, nou te wè enpak Fon Kapital pou Bèt Konpayi New York la nan pran swen bêt ki pwoteje jiskaske yo jwenn kay pèmanan pa yo. Mwen vle remèsyé Gouvènè a ak manm asanble nou yo ak senatè yo paske yo te asire ke yo kontinye finanse pwogram empòtan sa a. Gras ak finansman ki disponib nan bidjè eta ane sa a, nou te kapab chwazi yon pi gwo kantite abri pou resevwa asistans epi bay plis sipò pou bêt y ap pran swen yo."

Senatè Eta Michelle Hinchey te deklare, "Chak bêt k ap viv nan New York merite yon abri ki an sekirite ak ankourajan pandan y ap tann kay definitif yo. Kòm yon gwo defansè nan Fon Kapital pou Bèt Konpayi, mwen fyè dèské mwen wè anpil abri ki merite nan tout eta a, men sitou nan distri nou an, resevwa envèstisman empòtan pou

pwojè ki pral amelyore lavi bêt y ap sèvi yo epi ki pral prepare yo pou adopsyon ki pote sikse."

Senatè Eta Joseph P. Addabbo Jr. te deklare, "Nivo finansman sa a pou abri bêt ak sosyete imanitè san bi likratif nou yo pral elaji anpil swen bêt isit la nan New York. Sa pral fè yon diferans pozitif nan lavi chat, chen ak lòt bêt yo pandan y ap tann adopsyon yo. Mwen fyè pou m kanpe ak kòlèg mwen yo nan gouvènman an pou atribiye lajan sa a pou kòz etonan sa a."

Manm Asanble Donna Lupardo te deklare, "Mwen kontan wè anpil abri bêt ki merite k ap resevwa sipò nan men Fon Kapital pou Bèt Konpayi nou an. Komite mwen an te regilyèman bay priyorite finansman pou ede ak agrandisman, renovasyon oswa konstriksyon nouvo enstalasyon abri. Kòm yon moun ki te adopte plizyè chat nan abri lokal mwen an, mwen sipòte anpil travay yo fè ak swen yo bay bêt ki san kay yo. Premye fon nou an nan nasyon an se yon modèl nou tout ka fyè de li".

Manm Asanble Deborah J. Glick te deklare, "Fon Kapital pou Bèt Konpayi a se yon envestisman enpòtan nan abri bêt eta nou an. Mwen bat bravo pou Gouvènè Hochul pou finansman vital sa a pou asire ke chen, chat, ak lòt bêt ki gen plis nesesite nou yo trete ak imanite pandan y ap tann kay definitif yo. Anplwaye devwe ak volontè nan abri bêt atravè eta a ofri swen ak konpasyon enkwayab epi finansman sa a pral garanti ke bezwen kapital abri yo satisfè. San finansman sa a, abri yo ta difisil pou yo bay bêt yo anpil swen ak sipò yo bay chak jou."

Direktè Egzekitif Federasyon Pwoteksyon Bèt nan New York la, Libby Post, te deklare, "Fon an deja fè yon diferans enkwayab pou abri atravè eta a. Bidjè ane sa a, FY23, gen ladan 8 milyon dola pou fon an ki se plis pase yon ogmantasyon 50 poustan nan bidjè anvan yo. Nou rekonesan anpil pou Gouvènè Hochul paske li mete 5M dola nan pwopozisyon bidjè li a—premye fwa li te enkli nan Bidjè Egzekitif la—ak defansè lejislatif nou yo, Manm Asanble Deborah Glick ak Senatè Eta Joseph Addabbo paske yo garanti yon lòt 3 milyon dola. Fon an pral kontinye amelyore estanda swen pou bêt konpayon ki san kay atravè New York epi li tabli yon estanda pou nasyon an."

Daprè Federasyon Pwoteksyon Bèt Eta New York la (New York State Animal Protection Federation), yo pote plis pase 150,000 bêt bay refij san bi likratif yo ak sila minisipalite yo ak sosyete imanitè yo jere yo chak ane. Fon Kapital pou Bèt Konpayi Eta New York la pral ede òganizasyon sa yo kontinye bay sèvis refij yo nan kominate lokal yo, pwomouwwa pi bon swen pou bêt yo epi fasilité plis adopsyon.

###